

The Digital *Viridarium consolationis* Project

Pars 5: De aliis rebus Caput 3: De laude domine nostre (4)

Idem (Bernardus):

Ille solus a laude virginis taceat,
qui eam fidelem advocatam in suis negotiis senserit defuisse.

Si surgant venti temptationum, si incurras scopulos temptationum et tribulationum,
respice stellam, voca Mariam.

Si iracundia aut avaritia aut carnis illecebra turbant mentis naviculam,
respice Mariam.

Si criminum immanitate, conscientie feditate confusus,
iudicii horrore perterritus, baratro incipias absorberi tristitie, et desperationis abisso,
cogita Mariam.

In periculis, in angustiis, in rebus dubiis, Mariam cogita, Mariam invoca.

Non recedat ab ore, non recedat a corde, et ut impetres eius orationis suffragium,
ne deseras conversationis exemplum.

Ipsam sequens non devias, ipsam implorans non desperas, ipsam cogitans non erras.

Ipsa protegente non metuis, ipsa duce non fatigaris, ipsa propitia pervenis.

Sileat misericordiam tuam, Virgo beata, si quis est,
qui invocatam eam in necessitatibus suis sibi meminerit defuisse.

Bernardus Claraeuallensis, *Sermones in assumptione beatae Mariae uirginis*, 4.8 (SBO 5, J. Leclercq, C.H. Talbot, H.M. Rochais eds., p.249, ll.16-17).

Si insurgant venti tentationum, si incurras scopulos tribulationum,
respice stellam, voca Mariam.

Si iactaris superbiae undis, si ambitionis, si detractionis, si aemulationis,
respice stellam, voca Mariam.

Si iracundia, aut avaritia, aut carnis illecebra naviculam concusserit mentis,
respice ad Mariam.

Si criminum immanitate turbatus, conscientiae foeditate confusus,
iudicii horrore perterritus, baratro incipias absorberi tristitiae, desperationis abisso,
cogita Mariam.

In periculis, in angustiis, in rebus dubiis, Mariam cogita, Mariam invoca.

Non recedat ab ore, non recedat a corde, et ut impetres eius orationis suffragium,
non deseras conversationis exemplum.

Ipsam sequens non devias, ipsam rogans non desperas, ipsam cogitans non erras.

Ipsa tenente non corruis,
ipsa protegente non metuis, ipsa duce non fatigaris, ipsa propitia pervenis,
et sic in temetipso experiris quam merito dictum sit: ET NOMEN VIRGINIS MARIA.

Bernardus Claraeuallensis, *Sermones in laudibus uirginis matris*, 2.17
(SBO 4, J. Leclercq, C.H. Talbot, H.M. Rochais eds., p.35, ll.3-15).